


АКАФИСТ

СВЯТИТЕЛЮ
И ЧУДОТВОРЦЮ
НИКОЛАЮ



ЯКАФИСТ
СВЯТИТЕЛЮ
И ЧУДОТВОРЦУ
НИКОЛАЮ



Болгар





Тропарь и кондак святителю и чудотворцу Николаю

Тропарь, глас 4

Правило веры и образ кротости,/ воз-
держания учителя/ яви ты стаду твоему/
Яже вещей Истина./ Сего ради стяжал еси
смирением высокая,/ нищетою богатая,/
отче священноначальниче Николае,/ моли
Христа Бога,/ спастися душам нашим.

Кондак, глас 3

В Мирех, святе, священнодействитель
показался еси,/ Христово бо, преподобне,
Евангелие исполнив,/ положил еси душу
твою о людех твоих/ и спасл еси неповин-
ные от смерти./ Сего ради освятился еси,/
яко великий таинник Божия благодати.





ЯКЯФИСТ

СВЯТИТЕЛЮ И ЧУДОТВОРЦУ Николаю,
архиепископу Мир Ликийских

Кондак 1

Возбранный Чудотворче и изрядный
угодниче Христов, миру всему источаяй
многоценное милости миро и неисчерпаемое
чудес море, восхваляю тя любовью,
святителю Николае: ты же, яко имеяй
дерзновение ко Господу, от всяких мя бед
свободи, да зову ти:

Радуйся, Николае, великий Чудотворче.

Икос 1

Ангела образом, земнаго суща естеством
яви тебе всея твари Создатель; благоп-
лодную бо доброту души твоея провидев,
преблаженне Николае, научи всех вопити
тебе сице:

Радуйся, от утробы матерния очищен-
ный; радуйся, даже до конца освя-
щенный.





Ра́дуйся, рождѣнием своим роди́телей
удиви́вый; ра́дуйся, си́лу душе́вную
а́бие по рождестве́ яви́вый.

Ра́дуйся, са́де земли́ обетова́ния; ра́-
дуйся, цвѣте Божѣственнаго сажде́ния.

Ра́дуйся, лозо́ добродѣтельная виног-
ра́да Христо́ва; ра́дуйся, дре́во чудо-
то́чное ра́я Иису́сова.

Ра́дуйся, кри́не ра́йскаго прозябе́ния;
ра́дуйся, ми́ро Христо́ва благоуха́ния.

Ра́дуйся, я́ко тобо́ю отго́нится рыда́-
ние; ра́дуйся, я́ко тобо́ю прино́сится
ра́дование.

Ра́дуйся, Нико́лае, вели́кий Чудотво́рче.

Кондак 2

Ви́дяще твои́х мир излия́ние, богому́дре,
просвещаемся душа́ми и телесы́, дивнаго
тя мирото́чца живонóсна, Нико́лае,
разуме́юще: чудесы́ бо я́ко вода́ми,
благодатию́ Бо́жиею излива́ющимися,
напая́еши ве́рно вопи́ющих к Бо́гу:
Аллилу́иа.





Икос 2

Ра́зум неуразу́менный вразумля́я о Святе́й Трѳице, был еси́ в Нике́и со святы́ми отцы́ побѳрник исповѳдания право-сла́вныя ве́ры: ра́вна бо Отцу́ Сы́на испо-ве́дал еси́, соприсносу́щна и сопресто́льна, А́риа же безу́мнаго обличи́л еси́. Сего́ ра́ди ве́рнии научи́шася воспева́ти тебе́:

Ра́дуйся, вели́кий благоче́стия сто́лпе;
ра́дуйся, ве́рных прибѳжища гра́де.

Ра́дуйся, тве́рдое Правосла́вия укреп-ле́ние; ра́дуйся, честное́ Пресвяты́я Трѳицы носи́ло и похвалѳние.

Ра́дуйся, Отцу́ равноче́стна Сы́на про-повѳдавый; ра́дуйся, А́риа возбесѳв-шагося от Собѳра святы́х отгна́вый.

Ра́дуйся, ѳтче, отцевъ сла́вная красото́;
ра́дуйся, всех богому́дых премудра́я добро́то.

Ра́дуйся, ѳгненная́ словеса́ испуща́яй;
ра́дуйся, до́бре ста́до свое́ наставля́яй.

Ра́дуйся, я́ко тобою́ ве́ра утвержда́ется;
ра́дуйся, я́ко тобою́ е́ресь низлага́ется.

Ра́дуйся, Нико́лае, вели́кий Чудотво́рче.





Кондак 3

Силою, данною ти свѣше, слѣзу всяку отъял еси от лица люте страждущих, богоносне отче Николает: алчущим бо явился еси кормитель, в пучине морстей сущим изрядный правитель, недугующим исцеление и всем всяк помощник показался еси, вопиющим Богу: Аллилуиа.

Икос 3

Имѣяше воистинну, отче Николает, с небесе песнь тебе воспеваема быти, а не от земли: како бо кто от человек возможет твоея святѣни величя проповѣдати? Но мы, любовию твоею побеждаеми, вопием ти сице:

Радуйся, образе агнцев и пастырей;
радуйся, святое очистилище нравов.

Радуйся, добродетелей великих вмес-
тилище; радуйся, святѣни чистое и
честное жилище.

Радуйся, светильниче всесвѣтлый и все-





любимый; радуйся, свете златозарный
и непорочный.

Радуйся, достойный ангелов собесѣд-
ниче; радуйся, добрый человеков нас-
тавниче.

Радуйся, правило веры благочестивыя;
радуйся, образе кротости духовныя.

Радуйся, яко тобою от страстей телес-
ных избавляемся; радуйся, яко тобою
сладостей духовных исполняемся.

Радуйся, Николае, великий Чудотворче.

Кондак 4

Буря недоумения смущает ми ум, како
достойно есть пѣти чудеса твоя, блаженне
Николае; никтоже бо может я исцѣсти,
аще бы и многи языки имѣл и глаголати
восхотѣл; но мы дивно Богу в тебѣ прослав-
ляющемуся дерзаем воспевати: Аллилуиа.

Икос 4

Слышаша, богомудре Николае, ближ-
нии и дальнии величие чудес твоих, яко по





вóздуху лéгкими благодáтными крилáми
навýкл еси́ сýщих в бедáх предварýти,
скóро от тех избавля́я всех, вопи́ющих к
тебé таковáя:

Рáдуйся, избавлénие от печáли; рáдуй-
ся, пода́ние благодáти.

Рáдуйся, нечáемых зол прогонíteлю;
рáдуйся, желáемых благíх насадíteлю.
Рáдуйся, скóрый утéшителю в бедé
сýщих; рáдуйся, стра́шный наказáтелю
обидящих.

Рáдуйся, чудес пучíно, Бóгом излия́н-
ная; рáдуйся, закóна Христо́ва скри-
жа́ли, богопи́санныя.

Рáдуйся, крéпкое па́дающих возведénие;
рáдуйся, пра́во стоящих утверждénие.

Рáдуйся, я́ко тобо́ю всякая лeсть об-
нажа́ется; рáдуйся, я́ко тобо́ю всякая
и́стина сбывáется.

Рáдуйся, Никóлае, вели́кий Чудотво́рче.

Кондак 5

Боготéчная звезда́ яви́лся еси́,
наставля́я по мóрю пла́вающих лю́те, и́мже





смерть предстояше вскорѣ иногда, аще не бы ты предстал еси призывающим тя в по́мощь, Чудотворче святы́й Никóлае; ужé бо несты́дно бесóм лета́ющим и погрузи́ти кораблѣ хотя́щим запрети́в, отгна́л еси́ их, вѣрныя же научи́л еси́ спаса́ющему тобо́ю Бо́гу взыва́ти: Аллилу́иа.

Икос 5

Ви́деша отрокови́цы, на брак сквѣрный нищеты́ ра́ди угото́ванныя, вели́кое твоѣ к ни́щим милосѣрдие, преблаже́нне óтче Никóлае, егда́ ста́рцу родите́лю их но́щию узельцы́ три злáта тая́ся по́дал еси́, самаго́ со дщѣрьми избавля́я от падѣния грехóвнаго. Того́ ра́ди слы́шиши от всех сѣце:

Ра́дуйся, мѣлости превели́кия сокро́вище; ра́дуйся, промыслѣния о лю́дех приятелище.

Ра́дуйся, пи́ще и отра́до к тебѣ прибега́ющих; ра́дуйся, хлѣбе неснеда́емый а́лчущих.

Ра́дуйся, богáтство, бѣдне живущим на землѣ́ Бо́гом да́нное; ра́дуйся,





воздвѣженіе скорое убогих.

Радуйся, быстрое нищих услышание;
радуйся, скорбящих приятное попечение.

Радуйся, трех дев непорочный охранителю;
радуйся, чистоты усердный попечителю.

Радуйся, ненадежных надеяние;
радуйся, всего мира наслаждение.

Радуйся, Николае, великий Чудотворче.

Кондак 6

Проповедует мир весь тебе,
преблаженне Николае, скорого в бедах
заступника, яко многажды во едином часе
по земли путешествующим и по морю
плавающим, предваряя, пособствуеши,
купно всех от злых сохраняя, вопиющих к
Богу: Аллилуиа.

Икос 6

Воссиял еси свет животный, избавление
нося воеводам, неправедную смерть прияти
имущим, тебе, добрый пастырю Николае,
призывающим, егда вскоре явлься во





сне царéви, устрашил еси егó, сих же невреждённых отпусти́ти повелёл еси́. Сего́ ра́ди с ни́ми кúпно и мы благодарственно вопиём ти:

Ра́дуйся, усёрдно призыва́ющим тя помога́яй; ра́дуйся, от непра́веднаго убиéния избавля́яй.

Ра́дуйся, от лéстных сохраня́яй клеветы́; ра́дуйся, непра́ведныя разруша́яй советы́.

Ра́дуйся, растерза́яй лжу́ я́ко паучи́ну; ра́дуйся, возноша́яй сла́вно и́стину.

Ра́дуйся, непови́нных от уз разрешéние; ра́дуйся, и мертвецéв оживлéние.

Ра́дуйся, проявителю́ пра́вды; ра́дуйся, помрачителю́ непра́вды.

Ра́дуйся, я́ко тобою́ непови́ннии изба́влени от мечá; ра́дуйся, я́ко тобою́ наслади́шася свéта.

Ра́дуйся, Никóлае, вели́кий Чудотво́рче.

Кондак 7

Хотя́ богоху́льное еретическое отгна́ти злосмра́дие, ми́ро вои́стинну благово́нное,



таинственное явился еси, Никóлае; люди мирéйския упасл еси и весь мир своим благодáтным мíром испóлнил еси. И от нас úбо богомёрзкое грехóвное злосмра́дие отжени́, да благоприятно Бо́гу вопиём: Аллилу́иа.

Икос 7

Но́ваго тя Но́я, наста́вника ковче́га спаси́тельнаго разумеем, óтче святы́й Никóлае, бу́рю всех лю́тых разгоня́ющаго направлénием своим, тишинú же Божéственную принося́щаго вопи́ющим тако́вая:

Ра́дуйся, обурева́емых т́хое пристáнище; ра́дуйся, утопа́ющих извёстное храни́лище.

Ра́дуйся, пла́вающих посреде́ пучи́н до́брый ко́рмчий; ра́дуйся, трево́лнения морска́я уставля́ющий.

Ра́дуйся, превожде́ние сущих в ви́хрех; ра́дуйся, согр́яние сущих во мр́зех.

Ра́дуйся, сия́ние, ско́рбный мрак разгоня́ющее; ра́дуйся, свети́ло, вся концы́ земли́ просвеща́ющее.



Ра́дуйся, от бѣздны грехо́вныя челове́ки
избавля́й; ра́дуйся, в бѣздну а́дскую
сатану́ вверга́й.

Ра́дуйся, я́ко тобою дерзнове́нно бѣзд-
ну милосѣрдия Бо́жия призыва́ем;
ра́дуйся, я́ко тобою от пото́па гнѣва
избавльшеся, мир с Бо́гом обрета́ем.

Ра́дуйся, Нико́лае, вели́кий Чудотво́рче.

Кондак 8

Стра́нное чу́до явля́ется притека́ющим
к тебе́, блаже́нне Нико́лае, священна́я
твоя́ це́рковь: в ней бо и ма́лое молѣние
принося́ще, ве́лиих недúгов приѣмлем ис-
целѣние, а́ще то́кмо по Бо́зе упова́ние на тя
возложимъ, ве́рно вопи́юще: Аллилу́иа.

Икос 8

Весь еси́ всем воистину́ помо́щник,
бого́носе Нико́лае, и собра́л еси́ вку́пе вся
прибегáющия к тебе́, я́ко свободи́тель, пи-
татель и врач ско́рый всем земнымъ, на по-
хвалу́ всех подви́зая вопи́ти к тебе́ си́це:



Ра́дуйся, всяких исцелéний исто́чнице;
ра́дуйся, лю́те стра́ждущим помо́щнице.
Ра́дуйся, зарé, сия́ющая в но́щи гре-
хо́вней блужда́ющим; ра́дуйся, росó
неботóчная в знóи трудо́в сущим.
Ра́дуйся, подава́яй трéбующим благо-
строéние; ра́дуйся, уго́товля́яй прося́-
щим изобíлие.
Ра́дуйся, мно́гажды про́шение пред-
варя́яй; ра́дуйся, ста́рым седи́нам си́лу
обновля́яй.
Ра́дуйся, мно́гих заблúждших от путí
исти́ннаго обличíteлю; ра́дуйся, та́ин
Бо́жиих вёрный служíteлю.
Ра́дуйся, я́ко тобо́ю за́висть попира́ем;
ра́дуйся, я́ко тобо́ю благона́равное жи-
тиé исправля́ем.
Ра́дуйся, Никóлае, вели́кий Чудотво́рче.

Кондак 9

Вся́кия утоли́ болéзни, вели́кий наш
засту́пнице Никóлае, растворя́я благо-
да́тная врачевáния, усладжа́ющая ду́ши
на́ша, сердца́ же веселя́ющая всех усéрдно



к по́мощи твоёй притека́ющих, Бо́гу же
вопи́ющих: Аллилу́иа.

Икос 9

Ветия́ суемудре́нныя нечесті́вых ви́-
дим тобо́ю посрамле́нныя, богому́дре о́тче
Нико́лае: Ариа́ бо ху́льника, разделя́юща
Божество́, и Савелліа, смеша́юща Святу́ю
Тро́ицу, препре́л, нас же во Правосла́вии
укрепи́л еси́. Сего́ ра́ди вопие́м ти си́це:

Ра́дуйся, щі́те, защища́яй благоче́стие;
ра́дуйся, мечу́, посека́яй злочече́стие.

Ра́дуйся, учи́телю Божество́нных ве-
ле́ний; ра́дуйся, губи́телю богопро-
ти́вных уче́ний.

Ра́дуйся, ле́стнице, Бо́гом утвержде́н-
ная, ёю́же восхо́дим к небеси́; ра́дуйся,
покро́ве, Бо́гом зда́нный, імже пок-
рыва́ются мно́зи.

Ра́дуйся, немудрых умудри́вый твои́ми
словесы́; ра́дуйся, лени́вых подви́гну-
вый твои́ми нра́вы.

Ра́дуйся, све́тлосте за́поведей Бо́-
жиих неугаси́мая; ра́дуйся, луче́



оправда́ний Господ́них пресвѣтлая.
Ра́дуйся, я́ко уче́нием твои́м сокру-
ша́ются еретическія главы́; ра́дуйся,
я́ко тобою́ ве́рнии сподобля́ются сла́вы.
Ра́дуйся, Нико́лае, вели́кий Чудотво́рче.

Кондак 10

Спасти́ хотя́ ду́шу, плоть твою́ ду́хови
покорил еси́ вои́стинну, о́тче наш Нико́лае:
молча́ньми бо прежде и борѣньми с
по́мыслы, дея́нню богомы́слие приложил
еси́, богомы́слием же ра́зум соверше́н
стяжа́л еси́, и́мже дерзнове́нно с Бо́гом
и а́нгелы бесе́довал еси́, все́гда вопи́я:
Аллилу́иа.

Икос 10

Стена́ еси́ похваля́ющим, преблаже́нне,
чудеса́ тво́я и всем к заступле́нию тво́ему
прибегáющим; те́мже и нас, в добродѣтели
убо́гих, от нищеты́, напа́сти, недúгов и
нужд разли́чных свобожда́й, вопи́ющих ти
с любóвию такова́я:





Ра́дуйся, от убоже́ства вѣчнаго изыма́яй; ра́дуйся, бога́тство не́тленное подава́яй.

Ра́дуйся, бра́шно неги́блющее а́лчущим пра́вды; ра́дуйся, пити́е неисчерпа́емое жа́ждущим жи́зни.

Ра́дуйся, от мятежа́ и бра́ни соблюда́яй; ра́дуйся, от уз и пленѣ́ния свобожда́яй.

Ра́дуйся, пресла́вный в беда́х заступни́че; ра́дуйся, превели́кий в напáстех зашчѣ́тнице.

Ра́дуйся, мно́гих от по́гибели исхити́вый; ра́дуйся, безчи́сленных невре́жденно сохра́нивый.

Ра́дуйся, я́ко тобо́ю лю́тыя сме́рти грѣшнии избега́ют; ра́дуйся, я́ко тобо́ю жи́знь вѣчную ка́ющися получа́ют.

Ра́дуйся, Нико́лае, вели́кий Чудотво́рче.

Кондак 11

Пѣ́ние Пресвяте́й Трѳ́ице па́че и́ных принѣсл еси́, преблаже́нне Нико́лае, умомъ, сло́вом и дѣломъ: мно́гим бо испытáниемъ право́рная повелѣ́ния уясни́л еси́, вѣрою,



надеждою и любовью наставляя нас в Троице Единому Богу воспевати: Аллилуиа.

Икос 11

Светозарную лучу во мраце жития сущим неугасимую видим тя, Богом избранне отче Николае: с невещественными бо ангельскими светы беседеши о несозданном Троическом Свете, верных же души просвещаеши, вопиющих ти такова:

Радуйся, озарение Трисолнечнаго Света; радуйся, деннице незаходямаго солнца.

Радуйся, свеще, Божественным пламенем возжженная; радуйся, яко угасил еси бесовский пламень нечестия.

Радуйся, светлое правоверия проповедание; радуйся, доброзрачное света евангельскаго сияние.

Радуйся, молние, ереси пожигающая; радуйся, громе, устрашающий соблазняющия.

Радуйся, истиннаго научителю разума;



ра́дуйся, та́инственнаго изъявѣтелю ума́.
Ра́дуйся, я́ко тобо́ю попра́ся поклонѣние
твѣри; ра́дуйся, я́ко тобо́ю научѣхомся
поклонѣтися Творцу́ в Тро́ице.
Ра́дуйся, Нико́лае, вели́кий Чудотво́рче.

Кондак 12

Благода́ть, да́нную ти от Бо́га, све́-
душии, ра́дующеся твою́ па́мь прѣзд-
нуем по до́лгу, пресла́вный о́тче Нико́лае,
и к чу́дному заступлѣнию тво́ему вседу́шно
притека́ем; пресла́вных же твоѣх де́яний,
я́ко песка́ морска́го и мно́жества звѣзднаго
исчестѣ́ не могу́ще, недоумѣ́нием объ́яти
бы́вше, вопи́ем к Бо́гу: Аллилу́иа.

Икос 12

Пою́ще твоѣ́ чудеса́, восхваля́ем тя,
всехва́льне Нико́лае: в тебѣ́ бо Бог, в Тро́ице
прославля́емый, дѣ́вно просла́вился. Но
аще и попремно́гу соста́вленныя от души́
псалмы́ и пѣ́сни прино́сим ти, Чудотво́рче
святы́й, ничто́же творѣ́м ра́вно дарова́нию



чудес твоих, имже удивляющися, вопиём к тебе таковая:

Радуйся, Царя царствующих и Господа господствующих служителю; радуйся, служителей Его небесных сожителю.

Радуйся, людем верным поможение; радуйся, рода христианскаго возвышение.

Радуйся, победы тезоименитый; радуйся, венценосче нарочитый.

Радуйся, всех добродетелей зеркало; радуйся, всех притекающих к тебе крепкое забрало.

Радуйся, по Бозе и Богородице все наше упование; радуйся, телес наших здравие и душ спасение.

Радуйся, яко тобою от вечныя смерти свободяемся; радуйся, яко тобою безконечныя жизни сподобляемся.

Радуйся, Николлае, великий Чудотворче.

Кондак 13

О пресвятый и пречудный отче Николлае, утешение всех скорбящих, ны-



нешнее наше прими́ приноше́ние и от ге́енны изба́вители нам Го́спода умоли́ богоприятным твои́м ходата́йством, да с тобо́ю воспева́ем: Аллилу́иа.

(Этот кондак читается трижды.)

Икос 1

Ангела о́бразом, земна́го су́ща естество́м яви́ тебе́ всея́ тва́ри Созда́тель; благопло́дную бо добро́ту души́ твоея́ прови́дев, преблаже́нне Нико́лае, научи́ всех вопи́ти тебе́ си́це:

Ра́дуйся, от утробы́ ма́терния очи́щенный; ра́дуйся, да́же до конца́ освяще́нный.

Ра́дуйся, рождени́ем свои́м роди́телей удиви́вый; ра́дуйся, си́лу душе́вную а́бие по рождестве́ яви́вый.

Ра́дуйся, са́де земли́ обетова́ния; ра́дуйся, цве́те Божество́ннаго сажде́ния.

Ра́дуйся, лозо́ добродетельная виногра́да Христо́ва; ра́дуйся, дре́во чудото́чное рая́ Иису́сова.



Ра́дуйся, крине ра́йскаго прозябе́ния;
ра́дуйся, міро Христо́ва благоуха́ния.
Ра́дуйся, я́ко тобо́ю отго́нится рыда́-
ние; ра́дуйся, я́ко тобо́ю прино́сится
ра́дование.

Ра́дуйся, Нико́лае, вели́кий Чудотво́рче.

Кондак 1

Возбра́нный Чудотво́рче и изря́дный
уго́днице Христо́в, міру все́му источа́яй
многоче́нное ми́лости міро и неисчерпа́емое
чуде́с мо́ре, восхваля́ю тя любо́вию,
святі-телю Нико́лае: ты же, я́ко име́яй
дерзнове́ние ко Го́споду, от вся́ких мя бед
свободи́, да зову́ ти:

Ра́дуйся, Нико́лае, вели́кий Чудотво́рче.

Молитва

О все́святый Нико́лае, уго́днице преиз-
ря́дный Госпо́день, те́плый наш засту́пнице,
и вездé в ско́рбех ско́рый помо́щнице!
Помози́ ми, грешному́ и уны́лому, в



настоящем сем житий, умоли́ Го́спода Бо́га дарова́ти ми оставле́ние всех мои́х грехо́в, ели́ко согреши́х от ю́ности моея́, во всем жити́и моём, де́лом, сло́вом, помышле́нием и все́ми мои́ми чу́вствы; и во исхо́де души́ моея́ помози́ ми, ока́янному, умоли́ Го́спода Бо́га, всея́ тва́ри Соде́теля, изба́вити мя возду́шных мыта́рств и ве́чнаго муче́ния, да всегда́ прославля́ю Отца́ и Сы́на и Свята́го Ду́ха и твоё ми́лостивное предста́тельство, ны́не и при́сно и во ве́ки веко́в. Ами́нь.